


1.

Aus de Kinnerwelt.

Un freecht ich aa vum beschte Wei(n)  
Jed Johr e volles Stück,  
So unner Kinner Kind zu sei(n),  
Is doch mei(n) gröshtes Glück.



## Mutter un Kind.

's Litzje leit im Wahlebeitche;  
Horch, es lodert schun for sich.  
Och, mas is das winzig Kröttche  
Schun so queck un wuffelig.

Horch, im Rosselche die Stäächer  
Danzten, rappeln ohne Ruh  
Un die klääne Strampelbäächer  
Schlahen fescht de Takt dezu.

Un die Guckelcher, was gehn se  
Hi(n) un her un runderum;  
Siehn se ebbes neies, stehn se  
Still, un's Rosselche werd stumm.

Jedes Mückche uf em Ritzje  
Is e großer Elefant,  
Doch das liebscht is unserm Litzje  
's Ticktackuhrche an de Wand.

Nää(n), das liebscht im ganze Haisje  
Bun de Sache groß un klää(n),  
's allerliebscht is unserm Maisje  
Doch sei(n) Mutterche allää(n).

Kummt sei(n) Mutterche an's Bettche  
Nore so e Lageblick,  
Hebt's die Batschelcher, das Kröchtte,  
Un es jugst vor lauter Glück.

## Jetz schlof!

Jetz schlof, mei(n) herzig Schnämwelche,  
Jetz schlof mei(n) liewes Kind.  
Um's Dächelche, um's Gewwelche  
Do bloßt e wüschter Wind  
Er faust un furr't un heilt um's Haus,  
Es geht em fascht de Odem aus.

Bum Bäämche roppt er Blättercher  
Un lacht un nemmt se mit;  
Dem Bögelche sei(n) Federcher  
Die zoppt er alleritt.  
Un's Bögelche, das flacht voll Weh:  
„Och, loß mer nor mei(n) Rinner geh!“

Jetz schlof, mei(n) liewes Schnuckelche,  
Jetz schlof, mei(n) herzig Kind;  
Dei Bäckelche, dei(n) Guckelche  
Kriecht net der gaschtig Wind.  
Un bloßt er drauß aa immerzu,  
Meim Herzje därf er gar nix duh'.



## Mei(n) Böppche.

Ich geb mei(n) Böppche gar net her,  
Mei(n) Böppche is so lieb;  
Un kummt e böser Busebär,  
Do geb ich em sei(n) Sieb.

Un, Böppche, guck, vun's Maiers Paul  
Vun dem bleib schää(n) eweck,  
Der setzt dich uf de Hutschegaul  
Un schmeißt dich in de Dreck.

Un wann dei(n) Kläädche dreckig is,  
Werd's Mutterche so böß,  
Dann därfste nimmi uf die Wiß,  
Un bleibst in deine Schees.

Ja, Böppche, guck mich nore a(n),  
Ich mään's jo doch so gut.  
Ich glaab, du fangst zu greine a(n)!  
Un machst e Schippeschmut.

Nää(n), nää(n), mei(n) Böppche, sei nor still;  
Horch, 's Bögelche: „bieb, bieb!“  
Mei(n) Böppche duht jo, was ich will,  
Mei(n) Böppche is so lieb.

## Die eerschte Schritt.

Ei was mei(n) Krotterich schun kann!  
Do gumol hi(n), was Sache:  
Mei(n) allgescheiter klääner Mann,  
Drei Schritt schun kann er mache.  
Zum Mutterche zum Vatterche,  
Ball do, ball dort im Urem;  
Was jugst mei(n) klää(n) Quadutterche,  
Es laaft sich orndlich warem.

Die erschte Schritt, sie sin gedah(n),  
Un fertig is das Wunner.  
Nor weiter so, nor schää(n) vora(n);  
Un geht's aa schebb mitunner,  
Dann beiß dr uf die Zähnercher  
Un loß mer jo nix bample,  
Jez wääscht es jo, die Bäänercher,  
Sin net bloß do zum Strample.

Glück zu un net de Mut verlor;  
Ball werschde selwer merke:  
Du hoscht e langer Wääk noch vor,  
Do hääßt's die Bäänercher stärke.  
Un muschde iwver Wacke drauß  
Un Felse später schreite,  
Es geht, wann du's im Vatterhaus  
Gelernt hoscht schun beizeite.

## Blumme.

Wo wackelt dann mei(n) Bübche hi(n)?  
In's Gärtche newerm Haus.  
Die Blumme an de Päd, die siehn  
Fascht iwwer's Bübche naus.

Sie sträächeln em die blonde Hoor,  
Kää(n) bißje Falsch im Sinn:  
Ei gebt's dann werflich, sahn doch nor,  
So klääne Menschekinn!

Sie gucken's lieb un freundlich a(n),  
Als hetten se Verstand,  
Als hett en nie e Lääd gedah(n)  
E klääni Menschehand.

Un unser liewer, klääner Held,  
Der fräät sich, 's is e Pracht;  
Er steht wie in re Märchewelt,  
Wu alles leucht un lacht.

Er neigt sich zu de Blumme hi(n) —  
Fascht kammer saa': enuf —  
Un drüekt — wupp, hofschde mich gesieh! —  
E saftig Rüsße druf.

Die Blümcher nicken mit em Kopp:  
„E braves Kind, wie's scheint!  
Kumm, wann de willscht, du liewer Knopp,  
Meer bleiwen gute Freund!“

## Die Schwälbcher.

„Was machen dann die Schwälbcher  
Dort unnerm Dach am Haus?“  
Sie holen Lehm un Hälmecher  
Un fliegen ei(n) un aus.

„Was duhn se mit de Hälmecher  
Un mit dem viele Lehm?“  
Sie bauen sich e Neschteche  
Un machen sich's bequem.

„Un wann dann unnerm Dächel  
Das Neschteche fertig is?“  
Dann legen se ehr Eier,  
So vier bis fünf gewiß.

„Die duhen se dann esse  
In ehrem klääne Haus?“  
O nää(n), mei(n) Kind, do werren  
So klääne Schwälbcher draus.

„Un wann die Junge do sin,  
Do hen se awwer Ruh!“  
O nää(n), mei(n) liewes Herzel,  
Dann gebt's erscht recht zu duh.

Do hääßt's dann Futter suche  
Do geht's dann uf die Jagd;  
Die Schnäwwelcher, die sperren  
Von Früh bis in die Nacht.

Un wann se dann gedeihen  
Un werren stark un groß,  
Do geht im Nesch die Singstunn  
Un 's Fliegelerne los.

Die Schwalwemutter müht sich  
Um's klääne Lumbezeig  
So trei, wie eier Mutter  
Sich müht un sorgt for eich.

★

## Kind un Böppche.

Röschlich, wie das winzig Lißje  
Mit seim klääne Böppche spielt,  
Wie's es bett in's Wahlebettche,  
Wie's sei(n) Bäckelcher befühlt.

Wie's es schockelt in seim Schärzje,  
Wie 's es sträächelt un wie's nickt,  
Wie's es an sei(n) kläänes Herzje  
So voll Lieb un Sehne drückt.

„Hammle, Hammle, Stuzeböckche!“  
Macht die kruzig Boppebas,  
Bärscht sei(n) Häubche, bärscht sei(n) Röckche,  
Buzt sei(n) Schuhcher un sei(n) Nas.

Wäscht sei(n) Füßcher un sei(n) Händcher,  
Kämmt die Flachshoor uf seim Kopp,  
Bind zwää schääne blaue Bändcher  
In sein große, hanfne Zopp.

Macht em mit me Lockescherche  
Löckelcher so gut es kann,  
Un verzehlt debei e Märche  
Bun dem klääne Heinzelmann.

Un dann tragt's sei(n) Lockeköppche  
Stolz erum sei(n) gutes Dääl;  
Och, das lieb, das goldig Böppche,  
Is em net for alles fääl.

Nää(n), sei(n) Böppche deht's net gewwe,  
Net for Ruche, net for Geld;  
's is sei(n) Luscht un is sei(n) Lewe,  
's is dem Kind sei(n) ganzi Welt.



## Das Hutschegailche.

Lißje, Lißje, alloo kumm,  
Krottig Kerschemailche,  
Reite därffschde runderum  
Uf meim Hutschegailche.  
Naus uf's Feld un uf die Wiß  
Därffschde reite, Lißje,  
Guck emol, wie flink das is,  
Alloo, kumm e bißje.

Was? Du schüttelscht mit em Kopp?  
Mach mer doch kää(n) Sache!  
Määnscht, es deht so hopplahopp  
Fallemännchers mache?  
Nää(n), ich duh jo schää(n) im Schritt  
's Hutschegailche führe.  
Lißje, guck, do fallschde nit.  
's kann dr nix bassiere.

Wart emol, ich mach der's vor,  
Wie mer's reit, mei(n) Bläßje,  
Guck, der Strich do is das Dohr  
For enaus uf's Gäßje.  
Dort am Bäämche is die Wiß  
Mit de grüne Weide.  
Guck emol, wie leicht das is,  
In die Welt zu reite.

Rechts erum un links erum,  
Gradaus dann e bißje;  
Siehshde, 's Gailche fällt nit um,  
Alloo, kumm jeh, Lißje!  
Als noch nit? Es is e Schann,  
Geh un duh dich schäme!  
Weg! Ich reit so weit ich kann,  
Un kumm nimmi hääme.

Gell' jeh guckst dr in die Seit,  
Un du kummscht gedänzelt.  
Nore her un sei gescheit;  
Siehst, wie's Gailche schwänzelt!  
So, jeh reit' mer in die Welt,  
Krottig Kerschemailche,  
Un es koscht kää(n) Penning Geld.  
Jü, mein(n) Hutschegailche!

•

## Die eerschte Kersche.

De Rinner wässert 's Schnämwelche;  
Die Not hot jeh e End.  
Das Fritelche, das Bämwelche,  
Die batschen in die Händ;  
Ehr Ägelcher sin hell un weit,  
Nix duld se heit dehääm:  
Die eerschte köschlich Süßigkeit  
Winkt vun de Kerschebääm.

Enaus aus Hütt un Häuselcher,  
Enuffer an de Hang!  
So flore Kerschesträußelcher  
Die lohnen schun de Gang.  
De Star, der peift sei(n) Schnetterengdeng:  
„Do guck, die boppig Krott,  
Was die e schäänes Ohrgehäng  
Vun Kersche an sich hot!“

Das Fritel achelt forz un klää(n)  
Sei(n) Strauß, na waart, du Tropp! —  
Un knippst die glatte Kerschestää(n)  
Dem Starmaz an de Kopp.  
Un 's Bämwele, fix wie de Wind,  
Hot aach sei(n) Sträußche blott;  
Jeh saa mol ääner, daß das Kind  
Kää(n) Kerschemailche hot!

Vor'm Mädeche hot de Starmak Ruh,  
's müßt sunscht kää(n) Mädeche sei(n),  
Es hört em nore freundlich zu,  
Doch Knippse? Nää(n), kää(n), Schei(n).  
Die Stääncher nemmt's un reibt — ich wett —  
E Loch uf jedi Seit,  
Un macht sich draus e Perlekett.  
O schääni Rinnerzeit!

O Rinnerzeit, die Sunnewelt  
Beschert deer reich un süß;  
De Garte drauß, de Wald, das Feld,  
Die sin dei(n) Paradies.  
Drum bet ich schon, wann's sproßt un blüht:  
„Vor Sturm un Wetterwolf,  
O Himmel, jeden Baam behüt  
Schun wege 'm Rinnervolk.“



## Die Nachtigall.

„Was is das for e Vögelche,  
Wu dort im Busch am Bächelche  
So schää(n) sei(n) Liedcher fingt?“

— „Das kennschde net? Die Nachtigall,  
Wu 's Singe vun de Böhler all  
Um beschte fertig bringt.“

„Das fangschde mer, gell, Vatter, gell?  
Un in de Kewwig duhschde schnell  
Das Vögelche hernot.“

— „Nää(n), Bübche, im me Kewwigstall,  
Do fingt kää(n) rehti Nachtigall,  
Nää(n), nää(n), das weer ehr Doot.“

„Och, wann ich's doch so geren hör,  
Och, Vatterche, ich weer, ich weer  
So arig, arig froh.“

— „Guck, wann de's lieb hoscht, loscht es  
drauß,  
Un alle Dag vor unserm Haus  
Singt's: Frijje, ich bin do!“

## Das Klää(n) Hawweguckerche.

Das Philippmännche rumort in de Röch  
Un guckt in die Säwwe enei(n)  
Seim Mutterche anwer, dem kääm er geschlich:  
„Du Steppes, was fällt der dann ei(n).“  
Was hadd dann das wehre, er is jo allää(n),  
Un Neigier bloht ärjer als Dorscht;  
Er sucht in de Hääbcher, ob groß oder klää(n),  
Das bleibt unserm Stumpesje Worscht.  
Un wie's halt im Lewe mitunner bassiert,  
Daß Böses, daß Schlimmes sich rächt,  
So gehts aach dem Kruze: e goldig verziert  
Teekännche, das fällt un verbrecht.  
Er rennt zu de Mutter, doch find er kää(n)  
Wort,  
Er seifzt un guckt no de Dehr,  
Sei(n) Mutterche anwer, das wääß es sofort,  
's is ebbes besunres de meer.  
„Kumm, Liebling“ so schmäächelt se, „saa mol,  
was is,  
Was hoschde dann?“ — Muddese, och,  
Och, is dlaab als, do djauß in de Tisß,  
Do is — is e Hääbse deboch.“

Ja männen ehr, der winzig Debb  
Hett sellemol sei(n) Lehrgeld gebb?

Ei jo, was is em dann bassiert?  
 Sei(n) Mutterche war fascht gerührt,  
 Daß so e klääner Hoffemann  
 So lieb sei(n) Sünde beichte kann;  
 Sie nemmt den Schnuckes uf de Schoß:  
 „Deß duh mer nimmi“, saht se bloß.  
 Rää(n) Wunner drum, der goldig Wicht  
 Hott ball was neies a(n)gericht.  
 Ball druff do unnersucht er widder,  
 Uf sei(n) Geschmack — ob süß, ob bitter —  
 De Inhalt vun de Rüchehäwwe —  
 Ja, kann's dann ebbes Schäänes gewwe? —  
 Un zieht am Emm vergnügt — ich hab's —  
 Fescht am 'me Fläschje Quetscheschnaps.  
 Unn widder rennt der klää(n) Quadutter  
 Bergelschtert anne zu de Mutter.  
 Was wääß er jeh, der kruzig Gauch?  
 „Is d la ab, mer seint die Sunn  
 im Bauch.“

★

## Das Regeschermel.

"Guck, Batteredle, heit war ich brav."  
So lobt sich unser Wärmel,  
„Och, Batteredle, jeh kaaf, jeh kaaf  
Mer aach e Regeschermel;

Wääschst so ääns, wie die große Leit  
Ääns hen, das weer mei(n) Späßel,  
Un wanns als regent drauß un schneit,  
Do kann ich doch ufs Gäßel."

E duzendmol in ääner Woch  
Hots so schun a(n)gehalle:  
„Na alloo, alloo, kaaf mers doch,  
Geh' duh mer den Gefalle!"

Ja, wanns e Dag lang brav sei(n) kennt,  
So hot em der versproche,  
Do freechts das Schermele am End.  
Un dodruf duhts jeh poche.

Es gebt nit Ruh un macht nit Rascht  
Das Batteredle muß bleche.  
Mer soll hat so 'me klääne Gascht  
Nit gar zu viel verspreche.

\* \* \*

Die Sunn, die scheint wie allnirgut,  
Daß Hunn un Mensche lechze,  
Die Lißbeth awwer macht e Schnut:  
„Wann nor e Schutt kääm“, secht se.

Ich glaab, sie schlagt am End noch Lärm,  
Daß so was ehr begegnet:  
„Was nützt mich dann der Regescherm,  
Wanns nit e Tröppel regent.“

So Peifedeckel! Sei mer still,  
Ich hör das Kröttel johle:  
„Ha, wann kää(n) Rege kumme will,  
Do duhn mer'n ää(n)fach hole.“

Un ääns, zwää, drei, als wie de Wind,  
Das geht im Handumdrehe,  
Do siehshde unser Krottekind  
Im gröschte Schutt schon stehe.

Do guck, des Nochbers Ferdinand  
Hoch owwe uf de Mauer,  
Der hot e Gießkann in de Hand  
Un macht e „Regeschauer“.

Als Himmelspetrus steht er do —  
's gießt werklich wie aus Ranne —

Un unser Bäsäl, seelefröh,  
Schiebt unne drunner anne.

Die Luscht, wie's so erunnertropft  
Un trucke bleibt sei(n) Klädel!  
Vor lauter Frääd das Herzel hoppft  
Bun unserm schlaue Määdél.

\* \* \*

Mer Alte duhn uf Schritt un Tritt  
Als gege 's Schicksal helfe,  
Doch so e Kind verraut sich nit,  
Das wääß sich noch zu helfe.

Nor weiter so, ehr klääne Leit,  
Nor vorwärts ohne Kreckse;  
Doch lernen, eich in speettrer Zeit  
Nach Sunneschei(n) zu here!

★

## Wie's Kättel kehre lernt.

Besem, Besem, do mol her,  
Duht sich das geheere!  
Das do, alter Zottelbär,  
Das do hääsche kehre?

So, ich wääß, du sagscht, du hoscht  
's Stümwel blankgegiche,  
In de Ecke aber loscht  
Du de U'rot liche.

„Liewes Frääche, 's is jo wohr,  
Daß im Eck noch Dreck is;  
Uwver, was kann ich devor,  
Wann er net eweck is.

Wääscht doch, daß mer nix zu viel,  
Doch, wie soll's gelinge,  
Will der storrig Besemstiel  
Mich net anebringe.“

„Besemstiel, du fauler Tropp,  
Kannschde dich net strecke?  
Siehn die Lage in deinem Kopp  
Net bis in die Ecke?“

„Liewes Frääch, 's is jo wohr,  
Dafß im Eck noch Dreck is;  
Uwver, was kann ich devoi,  
Wann er net eweck is.

Do, die kruzig Rätt is schuld,  
Die gehört bediwwert,  
Wu in ehre U(n)geduld  
Husch-husch-Urwet liwwert.“

„Hörschde, Rättel, wääsch es jeh,  
Was die Uhr geschlage?  
Nää(n), mei(n) Rättel is net leh,  
Loßt sich das net sage.“

Unser Rättel macht sich dra(n)  
Duhen eich net schnerre —  
Jo, es weer aach Sünn gedah(n)  
Zu 're Schlamp zu werre.

Wie sei(n) Mutterle ihm zeigt,  
Übt sich's jehst im Fege;  
Was mer geeren duht, is leicht,  
An de Fleiß bringt Sege.

Unser Rättel, erdewohl,  
Kummt ball wie uf Flichel:

„Unser Stümwel, guck emol,  
Blenkt jekt wie e Spichel.

Unnerm Disch un unnerm Schank  
Fei(n) und saurer han ich's,  
Alle Ecke blizeblank,  
Mutterle, jekt kann ich's.“

Sodele, jekt weer's am Ziel  
Unser fleißig Mädal;  
An der Besem un der Stiel  
Stellen stolz die Schädel.

★

## Im Sand.

„Rättche iwerm Bächelche,  
Kumm, mer backen Ruche;  
Muscht dr nor e Blechelche  
Un e Rännche suche.  
Sand un Wasser han ich do,  
Weljerholz un Färmcher;  
Meer de Dääk, des kannschde jo,  
Doch verwisch kää(n) Wärmcher.“

„Sannesje, des han ich fir,  
Brauch net lang zu suche.  
Do in dere Schuhwichsbichs  
Back ich mer mei(n) Ruche.  
Geh mer nore an die Hand,  
Un ich will dich lowe;  
Dort in sellem Hauße Sand  
Bauschde mer e Dwe.“

„Och, was is de Sand so feicht,  
U, do kammer spiele!  
Rättche, guck emol, wie leicht  
Kann ich Löcher wühle.  
Un de Dwe, ohne Riß  
Muß er mer gerore;  
Wann noch was zu schaffe is,  
Rättche, saa mer's nore.“

„Zucker mach aus Risselstää(n),  
Schlaa se bis se daugen,  
Reib aa Zichelstückcher klää(n),  
Weil mer 'Zimmet brauchen.  
Lee'n uf's Brettche, loß e Bort,  
Dwacht, kää(n) Gebröckel.  
Waart, aus selle Binse dort  
Mach ich Ruchedeckel.“

„Rättche, guck, am Heckerech  
Leien Schifferscherwe,  
Nemmschde die for Rucheblech  
Kann dr nix verderwe.  
So-che, nore drufgesetzt,  
's geht jo ohne Macke;  
In de neie Dwe jehst  
Schiew ich se zum Backe.“

„So, do sin se, dick un dünn  
Un e Bund denewe;  
Wann se aus em Dwe sin,  
Kannschde was erlewe,  
Och, do woll' mer luschtig sei(n),  
Un zum Kaffeekränzje  
Lad ich 's Nochbers Binche ei(n)  
Un 's Adjunkte Fränzje.“

„Rättche, jo, mer kann zu zwätt  
So net alles esse,  
Unwer duh mer nore net  
's Mutterche vergesse.  
Nach an dich, du klääni Krott,  
Duh't's jo immer denke;  
Un weil's heit Geburtsdaa hot,  
Woll' mer'm ebbes schenke.“

„Li, die Ruche sin gerot  
Ohne Ei un Butter.  
Uf die Deckel, un hernot  
Nix wie zu de Mutter,  
Hannesje, do nimm se doch —  
So, jeh kannschde kumme,  
Uf em Häämwääk ropp ich noch  
Um me Kornfeld Blumme.“

\* \* \*

Zu de Mutter ziehn se froh,  
Un die Lage glänzen  
Stolz un selig, wie se do  
Ehr Gebäck kredenzen,  
's is e Bild, och schääner kann  
Des kää(n) Kinschtler mole.  
„Mutter, willschde noch was han,  
Geren duhn mer's hole.“

3\*

So e lieb Geplauder muß  
Jedi Mutter rühre.  
„Her, ehr Kinnercher, e Ruß,  
Un ich bin zufriedere.  
Daß ich eier Mutter bin,  
Iß mein Herz erquicklich,  
Wann ehr lieb un äänig sin,  
Bin ich froh un glücklich.“

★

## Tennee? — Wui!

„Tennee?“ fährt de Peere los.  
„Wui!“ ruft 's Ottche stolz.  
Wuppdich, iwver Klaam un Stroß  
Sauft e Stückche Holz,  
Borne spis un hinne spis,  
Dicker in de Mitt.  
Sin die Buwe in de Hiß,  
Fliedt der's hunnert Schritt.

„Tennee?“ — Was e stolzes Wort!  
„Wui!“ — E Schlag un — batsch! —  
Unser Tennee, siehschden dort,  
Steckt im Babberatsch.  
Dief un diefer in de Dääf  
Sinkt er sachte ei(n).  
Muß dann aa grad do am Wääf  
So e Surrel sei(n).

Un de Tennee, ausgeritscht,  
War dr glei eweck.  
Un de Peere steht gepritscht  
Wie e Kind beim Dreck.  
Ja, weer's Samschdaa Mittag grad,  
Hett's jo nix gedah(n),  
Uwver heit im Sunndaasstaat  
Woot sich kääner dra(n).

„Peere, geh un sei net dumm,  
Mach dr nor nix draus;  
Eh e Bertelstunn erum,  
Hammern widder haus.  
Guck, de Schorsch, do trabt er her,  
Der muß an de Speck.  
Gemmol owwacht, Peere, der  
Holt en aus em Dreck.“

„Ottche, mach dr nix zu duh,  
Daß sich der nor riehrt,  
Des is jo de bazischt Bu,  
Wu nor existiert,  
Haut die Rinner all erum,  
Will nor Meeschter sei(n);  
Määnsche dann, der weer so dumm  
Un langt do enei(n)?“

„Grad weil er so grindig is,  
Peere, muß er dra(n),  
Nore uf die Zung gebiß,  
Fang kää(n) Laches a(n).  
Stell dich her un mach e Bruttsch,  
Piens un janer laut:  
„Zwanzig Penning — futsch is futsch —  
Do in dere Raut.“

Un de Peere, er bekappt,  
's is e wieser Bu;  
Wie de Schorsch so neher dappt,  
Greint er als druf zu:  
„Och, do drin im Babberatsch  
Zwanzig Penning, mei(n) —“  
Wuppdich, fahrt mit seine Bratsch  
Glei de Schorsch enei(n).

Wübrig fuschelt er im Misch:  
„Waart, ball sin se haus.“  
Un er fischt un fischt un fischt  
Nor de Tennee raus.  
Dene werft er weit eweck.  
Wem in aller Welt  
Leit dann was an so me Dreck,  
Wammer wuhlt no Geld?

Doch mei(n) Ottche schießt em no,  
Holt en vun de Stroß,  
Un er winkt seim Speezel: „So,  
Ottche, nix wie los!  
Merxi, Schorsch, For so e Dienscht  
Muß mer dankbar sei(n),  
Wann de die zwää Nickel finnscht,  
Bhall se, sie sin dei(n).“

Alloo perree! Mit me Saß  
Sin se fort im Hui,  
Suchen sich e bessre Plas  
For ehr Tennee-Wui.  
„Tennee?“ geht's dann widder los:  
„Wui!“ ruft 's Ottehe stolz.  
Wupp dich, inwew Klaam un Strooß  
Sauft e Stückche Holz.

★

## Kinner.

Kinner han mit Sand un Lehme  
Sich e Speis zurechtgemacht  
Unnerrn Linnebaam dehääme,  
Wo die Sunn so freundlich lacht,  
Siehschdse knootsche, ziehe, riwwele?  
Sei(n) Plässier hot jedes dra(n).  
Na, wer werd 's en dann veriwwele:  
Früher hot mer's aa gedah(n);  
Hot sich Brezle, Kuche, Merwe  
Als geformt no seim Geschmack,  
Un uf alte Schifferscherwe  
Dabber in de Sunn geback.  
Jo, noch mäh(n). Na Zuckerböppcher,  
Haiser hot mer ufgeführt;  
Leit mit runde Klickerköppcher  
Sin als aus- un ei(n)spaziert;  
Türm mit Fenschtere un Dehre,  
Un aach alsemol e Stall.  
Och, un heit noch kann ich's höre:  
„Guck emol, mei(n) Speis is all.“  
Määnen ehr, mer hett so große  
Sorje ghat als derentwää?  
's hot im Klaam un uf de Stroße  
Babberatsch genunk gelää,  
Un trotz Dreck, 's war was dehinner

Un hot Sinn ghat, meiner Seel.  
Guck so spielen aa die Rinner  
Do, vun dene ich verzehl.

Haiser stehen schon in Reihe  
Simwe, driwwe schää(n) am Wääf,  
Un noch immer steien neie  
Glattig aus em Lehmedääf.  
„So“, ruft jeh des Frijje, „schnerr dich  
Nore net, des weer gedah(n),  
Ua de „Dchse“ han ich fertig,  
Jeh kummt unser Schulhaus dra(n).“  
„Li, mei(n) Ställcher“, jugst die Lene,  
„Siehsche, Frij, ich han se glei;  
For die Scheck is do des ääne,  
Un des anner for die Sai.“

Wie se so im bescht Gediwwer  
Sin un knotschen ohne Ruh,  
Geht de Parre grad voriwwer,  
Un er nickt en freindlich zu;  
Dann sei(n) Spaß am frohe Treiwe  
Vun de Rinner hot der aa.  
Muß e bißje stehe bleiwe:  
Kinderchen, was macht ihr da?“

„Ei e Därfche duhn mer baue.“  
Kreischen se, un gar net leis.

„Jja, uhne Stää(n) zu häue,  
Siehn Se, do is unser Speis.“  
Un sie zeigen mit Bergnieje,  
Was se alles schun gedah(n).  
De Herr Parre muß es siehe;  
Un er guckt's gefällig a(n).

„So, das freut mich, liebe Kleinen,  
Was ihr tut, s ist gut und fein,  
Doch im Dörfchen, will mir scheinen,  
Sollte auch ein Kirchlein sein.“  
„Ei, des duhn mer aa noch baue,  
Wann des Schulhaus fertig is.“  
Saat de Friß, un hot e schlaue  
Blick schnell uf sei(n) Dreck geschmiß.  
„Schön! Doch sagt, ihr kleinen Leute,  
Wenn ihr das zuweg gebracht,  
Ob ihr für in dies Gebäude  
Dann auch einen Pfarrer macht?“  
Un de Friß lößt sich net narre,  
Des is lääner, wo mer fangt:  
„Jja,“ saate er schnell, „Herr Parre,  
Jja, wann de Dreck noch langt.“

★

## Das Dokterche.

„Ei, Böppche, du mei' Böppche,  
Was is dann mit deer los?  
Du hängtst jo heit das Köppche  
Un hast die Händ' im Schoß.  
Was sin dann dei' Moleschte?  
Kumm, zeig' emol dei' Puls  
Ich glaab, es is am beschte,  
Ich ruf' de Dokter Schulz.  
De Schorsch, dort iwwe hockt er  
Vor'm Haisje uf de Bank.  
Kumm Schorsch, du bist de Dokter,  
Mei' Böppche is so krank.“

De Schorsch sagt stolz un still sich:  
„Li, Dokter! Das is viel!“  
Un macht e groösi Brill sich  
Aus drei Kastanjestiel,  
Bum Lehme dann zwää Schrunne  
Bum Mailche bis an's Ohr;  
So stellt der kruzig Runne  
Sich als „Herr Dokter“ vor.  
Er horcht un fühlt am Böppche,  
Wu schwach im Scheesse leit,  
Stellt hoch sei' Dokterköppche:  
„Es war die höchste Zeit!“

„Siz hot's. E schlimmes Zeiche!  
Doch, Frauche, nore Ruh;  
Ich geb' em e Arzneiche  
Un das werd Wunner duh'."  
Aus seine Säck, do holt er  
E roschtig Stückche Droht  
Un uf e Scherwel molt er  
Sei' flor Rezeptche not.  
„Zueerscht vun beschter Millich  
Drei Tasse Schokolad,  
Un dann, 's is gut un billig,  
E forzes, laues Bad.“

Seim Mutterche im Haisje  
Loßt's Mädche jeh kää(n) Ruh'.  
Das sagt: „'s is recht, mei' Maisje.“  
Un schmunzelt nor dezu.  
Es denkt: die schlaue Späßjer  
Vun Schorschel sin net schlecht,  
Un macht drei volle Täßjer  
Mit Schokolad zurecht.  
Die tragt das Kind mit Sorge  
Enaus, wo's Scheesje steht.  
Die Mutter guckt verborge,  
Was jehert vor sich geht.

Was macht das Schodebleßje  
Vun Dokter vor de Dehr?

Er nippt am eerschte Täßje,  
Ob's aa no Vorschrift weer.  
Dann flößt er so e Tröppche  
Bun dere Medizin  
Uf's Schnäwvelche vum Böppche;  
Die anner is for ihn.  
Die schlörbst er selbscht enunner,  
Obwohl ihm gar nix fehlt.  
O Wunner iwver Wunner,  
Das Böppche is gehäält!

Gehäält, un noch zwää Tasse  
Voll Schokolad, o mei'!!  
Raum kann's das Mädche fasse,  
Es strahlt wie Sunneschei'.  
Es macht sich an die ääne,  
De „Doktor“ an die zwätt,  
Der schmunzelt, ich will määne,  
Und saad dann lieb un nett:  
„Jekt hääht's for's Bad zu sorge,  
Un dann empfiehl't sich's wohl,  
Wir wiederholen morge  
's Rezeptche nochemol.“

★

## Das Dracheschwänzel.

Ebbes aus de Inflationszeit.

Neunzeh(n)hunnertdreiundzwanzig,  
In dem bitterböse Johr,  
Will de Hans e Dracheschwanz sich  
Mache, sauwerche un flor.  
Sei(n) Babier hot for den Drache  
Grad gelangt; jeh braucht er ääns  
For e Dracheschwanz zu mache,  
Awwer kaase kann er kääns;  
Dann e Boge koscht Milljone  
Heit, das hääßt: in dere Stunn,  
In de neekste zweifelsohne  
Schun das doppelte devun.

„Batter“, saas der stumpig Bengel,  
Un sei(n) Lage sin voll Glanz,  
„Batter, geb mer doch e Hängel  
Dausendmarkschei(n) for den Schwanz.“

's Batterche macht große Lage:  
„Dich soll's Maisje, sapperlot!“  
's is wahrhaftig net zu sage,  
Was der Bu for Ei(n)fäll hot;  
Ei(n)fäll, awwer kää(n) vun selle  
Ääbsche wie e altes Haus.

Duht sei(n) Batterche jeh schelle?  
 Fahrt er hizig owwenaus?  
 Jo, kää(n) Dunscht! Er langt in's Schänfche  
 Un er macht — is das net stark? —  
 Fix seim Söhnche e Geschenkche  
 Vun fascht fuchzigdausend Mark.  
 „Da, es is jo doch verlore,“  
 Denkt er, „nemm ene, den Dreck.“  
 For e Kind in dene Johre  
 Hot aach so e Dreck sei(n) Zweck.

Unser Hänfel häschtelt rührig  
 's Dracheschwänzel — muppdiewupp —  
 „Bleibt was iwrig, dabezier ich,“  
 Saat er, „noch e Boppestub,  
 Daß mei(n) Schwesterle, das Bärmel,  
 Nach was hot vun dem Profit;  
 's duht mer jo als Gutsel gewwe,  
 Un do simmer widder kitt.“

\*                      \*

Vor em Ort drauß uf em Hewwel  
 Uf em dünne Stoppelflee  
 Lossen's Hänfel un die Bärmel  
 Jesh de Drache in die Höh'  
 's Bärmwele, das halt dem Lumbes  
 Schää(n) de Drache, dann 's is „groß“.

„Wann ich los freisch,“ saut der Stumbeß,  
„Bäwwele, dann loscht en los.“

Un er wickelt, un er wickelt  
Nix wie Gordel uf, der Held,  
Laast un guckt, un guckt un hickelt  
Iwwer's weite Stoppelfeld.  
Endlich zoppt er un bleibt stehe,  
So die verzig Meter weit.  
„Los!“ Das Mädchen loscht en gehe,  
Un der Drache steit un steit.  
Drowwe schwebt er, wo's so heiter  
Un so sunnig is un bloo.  
Un das Hänfel loscht als weiter  
Gordel no un Gordel no.  
Unser liewer, klääner Stumbe  
Hot dovun — o Buweglück —  
E gehörig große Klumbe,  
Wie e Dickrüb fascht so dick.  
Freilich noch aus alte Zeite  
Stammt die Schnur, die Haschpel aach,  
Dann zu dene Herrlicheite  
Kummt mer nimmi heitzudag.

Hoch un höher steit der Drache,  
Immer klääner werd das Ding,  
's duht schier gar de Ei(n)druck mache,  
Als ob's in de Himmel ging.

Das Gejugs un das Gejodel  
Bun dem Bävwele un Hans!  
Nor so lang noch wie e Nodel  
War der große Dracheschwanz.  
Un der Drachewolkefößer  
War im neeckschte Lageblick  
Net viel brääter un net größer  
Wie e altes Pennigstück.

's Bävwele, wu mit Gedänzel  
Gerscht gejugst hot un gewunt,  
Kreischt uf ää(n)mol ängschtlich: „Hänsel,  
Halt! Jez is er hoch gemunt.  
Wääscht, es hääßt jez: Hü, mei(n) Schimmel,  
Hü, un stell dei(n) Steige ei(n),  
Dann sunscht stoßt er an de Himmel,  
Un do gebt's e Loch enei(n).  
Tret im Himmel so e Engel  
In das Loch dann mit em Bää(n),  
Hääßt's: Do unne seller Bengel,  
Der is schuld dra(n) ganz allää(n).  
Deshalb, Hänsel, duh mer folge,  
Daß das net bassiere kann;  
Odder willscht e Protogollsche  
For das Loch im Himmel han?“

„O, geh hääm, was ääbsche Bosse!  
Kriecht de Himmel aa e Loch,

Sollen s'en halt flicke losse,  
Bätwel, ich bezahl's en doch."

„Du? Mit was, mit was dann, Hänsel?“  
„Ei, mit Geld. Ich han den Quart.  
Drowwe an meim Dracheschwänzel  
Bambeln fuchzeh(n)dausend Mark.“

Un das Hänsel löst dem Fade  
Bis an's End noch freie Baß,  
Un de Himmel leid kää(n) Schade,  
Un die Rinner han ehr Spaß.  
Wie se häämeziehn mit Lache  
Spät im Dwendsunneglanz  
Is e Loch wohl in dem Drache,  
Doch de Himmel is noch ganz.

\*

## Im Kauflädel.

„Erei(n), ehr Leit, erei(n), ehr Leit,  
In's Lädel rei(n), in's neie;  
Ehr werren eier Geld geweiht  
Un duhen's nit bereie.  
Hab guti War, hab schääni War,  
Un wieg nit mit em Daume,  
Hab Butter, Fett, Palmin sogar,  
Hab Latwerg, Senft un Plaume.  
Hab Stiwelwichs un Quetscheschnaps,  
Rosine, Fenschterledder,  
Un beschetes Nullnull-Mehl, ich hab's,  
Un Duwak wie kää(n) zwätter.  
Hab Gääschelschmicke, fei(n) gedreht,  
Un Täpjer for die Tante,  
For's Brüderle e Blechtrumbeet,  
So hen se kää(n) Schnorrante.  
For's Mutterle e Blummestrauß,  
E seidne Schlopp for's Mädal,  
Korz, was mer nore braucht im Haus,  
Is alles in meim Lädel.“

So ruft de Frits fei(n) Ware'aus;  
Un er versteht's noch netter  
Als wie uf so 're Kerwe drauß  
De Jakob uf de Bretter.

Das Grethele schluppt durch die Dehr  
 Mit „Klinglingling“ in's Lädél,  
 Un daß es die Fraa Meier weer,  
 Sagt vorneweg das Mädél.  
 „Nun,“ frogt der kruzig Kaufmann fir,  
 „Was wünschen Sie, Fraa Meier?“ —  
 „E Mausfall un e Schachtel Wicks,  
 E Zah(n)berscht un drei Eier.“  
 Mei(n) Fritel hufchelt hin un her  
 Un füllt e Tütt mit Sache  
 Un schließt se schää(n) die Kreiz un Quer,  
 Grad wie's die Kaufleit mache.  
 Er langt se freindlich anne: „So,  
 Da wär, was Sie verlangen,  
 Mausfalle awwer sind fei(n) do,  
 Die simmer ausgegangen.  
 Sunscht bleib“ — jeh scherret er mit em  
 Fuß

„Ich Ihre Wunsch gewärtig.“  
 So macht das Fritel e Geschmuß,  
 Er bringt's fascht hochdeitsch fertig.  
 „Gut, un das bissel War, das koscht?“ —  
 „Zwää Mark un zeh(n), Fraa Meier.“  
 Do macht das Frääche: „Sapperloscht,  
 Ich finn's e bissel deier.“ —  
 „Was, deier? Ei warum nit gar!  
 Nää(n), sin se nor zufriede;

's is alles guti Friedenswar,  
Was ich den Leuten biete."

Die Maiern langt in's Portmannee  
Un duht sich nit verfärwe,  
Sie zehlt un blecht, zwää Mark un zeh(n)  
In Raffetassescherwe.

Ja, wammer so berappe kann,  
Schmackt's Zahle gar nit bitter,  
„Biel Dank!“ sagt unser klääner Mann,  
„Un kummen Se ball widder.“  
Die klää(n) Fraa Meiern lacht: „Na jo!“  
Duht dabber häämestreiche  
Un ehre Mutter seelesfroh  
Die gute Sache zeige.

Das Tüttel uf! En Beereftiel,  
Den legt's als Zah(n)berscht ane,  
E Klümpel Lehme, gar nit viel,  
Das is die Wichs, verstanne!  
Drei Risselstää(n) sin Eier gar,  
Die stammen drauß vum Weiher.  
For's Grethel anwer bleibt die War  
Nor Zah(n)berscht, Wichs un Eier.  
Un wie glei druf, das geht im Nu,  
Zum Roschtepunkt die Sprooch is,

Do mäant das Mutterle baduh,  
Daß der doch viel zu hoch is.  
„Och“, mäant das Kind, „das macht doch nix,  
Was is dann heit nit deier?  
's is alles Friedenswar: die Wicks,  
Die Zah(n)berscht un — die Eier.

★

## Die flää(n) Rechenkünstlern.

In de Schul zum eerschemol  
Mit de neie Bluse,  
Frisch gewesch un frisch gekämmt,  
Sizen die Rafruse.  
Schei un zahm un maisjestill  
Un geduckt die ääne,  
Annre feck un u(n)scheniert  
Wie des Müllers Lene.  
Siehschde, 's is in Hännel schun  
Mit 's Adjunkte Sanne:  
„Wasß? Daß ich net rechle könnt?  
Ei, wu denkschde anne!  
Frohschde mich vun ääns bis zeh',  
U(n)grad oder ewe,  
Vorsich oder hinnerfich,  
Rannschde was erlewe.“

Un de Lehrer hört's un saat:  
„Kind, du solltest schweigen;  
Wenn du aber rechnen kannst,  
Gut, du sollst es zeigen.“  
Och, em Lenche huppst sei(n) Herz,  
's hot de Kopp voll Mucke.  
„Ei, na jo“, denkt's, „wann ehr froh'n,  
Werr'n ehr eich vergucke“.

„Nun, du Kleine, deine Kunst,  
Zeige sie noch heute,  
Nenn die Hälfte mir von fünf,  
Und es macht mir Freude“.  
's Lenche awwer schielt verdunst  
Uf die Finger ane.  
Kriecht e Köppche feierrot,  
Stuppt dann sacht die Sanne:  
„Sanne, guck, er hot mich schun,  
Werr net mit mer äänig:  
Saa ich „drei“, des is zu viel,  
„Zwää“, des is zu wenig“.

★

## Das Kunrädcl.

„Och, Kunrad, bleib mer vun de Seit  
Un loß mer schää(n) mei(n) Ruh,  
Mei(n) Böppel is sei(n) Zöpp geweiht,  
Un des, des warscht doch du.“

„Geh, Lissel, mach mer doch kää(n) Kopp  
Un Lage wie e Dos,  
Deim Böppele sei(n) Zwiwvelzopp,  
Der wachst schon widder groß.“

„Nää(n), nää(n), was blott is, bleibt aach  
blott,  
s is nix zu ännre dra(n);  
So lang mei(n) Bopp kää(n) Zopp mä(h)n hot,  
Guck ich dich nimmi a(n).“

For unser Bu e harti Nuß!  
Was mache in dem Fall?  
Er schleicht sich in seim Zwerdruß  
Zum Füchsel in de Stall.

Sei(n) Lääd, er hot's em Fuchs vertraut  
Der klää(n), der gaschtig Tropp.  
Was saet das Gailche? Nix. Es haut  
Sei(n) Schwanz ihm um de Kopp.

Ob des die Antwort war vum Fuchs?  
Jo, 's war se, meiner Trei.  
E Griff, e Schnitt, herzhast un flugs,  
Die Not is ball vorbei.

Jes nix als wie das Böppel her  
Un zum Balwierer-Sepp.  
Un, guck, der helpt mit Bapp un Scher,  
Un 's Böppel hot sei(n) Zöpp.

Un 's Lissel, noch in Träne wääch,  
Was lacht's! Vorbei die Schnut!  
Vergesse is der Buvestträäch,  
Un alles widder gut.

Es holt sei(n) Ramm un kämmt — des  
kamm's —

Die lange Hoor, ehr Leit!  
Doch drauß im Stall dem Fuchs sei(n) Schwanz  
Is um so ferzer heit.

★

## Kinner sollen Kinner sein.

Sieht mer heitsedaas die Kinner,  
Anerlää aus wellem Stamm,  
Ob se jek e Berschtebinner  
Oder Rat als Vatter han,  
's bleibt sich Worscht, wie zarte Prinze  
Siehschdese erausgebukt,  
Un for annre nore sinse  
Ufgewichst un zugestukt.

In de Wisse rumsejohle  
Un se wälze sich im Gras,  
Zwacke vun de Bääm se hole,  
Rumsehupse wie e Has,  
Barfuß durch die Bach se wade,  
Wie mer frieher als gedah(n),  
Sieht mer als de gröschte Schade  
Heit un 's gröscht Verbreche a(n).

„Weg vun dem gefehrlich Treiwe!“  
So hääst heit des traurig Lied.  
„Schää(n) im sauvre Höfche bleiwe  
Därffschde, wu mer dich aa sieht.“  
Drauß se dome un se necke,  
Liewer Gott, wu denkschde hi(n)!  
So, die Kläädcher kennten Flecke  
Un die Hoffe Löcher krieb.

Na, wer hot dann was degeje,  
Wann sich ääns schää(n) sauter halt,  
Doch gebrauch mer derentweje  
Nor vernünftig dei(n) Gewalt.  
Loß dei(n) Rinner durch die Gäßjer  
Un durch Wald un Wisse zieh,  
Sunscht erziehschde Schodebläßjer,  
Uwwer gure Mensche nie.

Un genau wie sunscht was Hohes  
Iwwerhebt sich leicht des Roor:  
„Ja, mei(n) Vatter is was Hohes,  
Besembinner deiner nor.“ —  
„Guck, mei(n) Blus, die is vun Seide,  
Deini is aus growwem Stoff.“ —  
„Ich darf autofahre, reite,  
Du kummscht immer nor geloff.“

Sin des Rinner, wu so redder  
Un so gucken uf de Schei(n)?  
Wann se rechte Eltre hetten,  
Rennt des gar net möglich sei(n).  
Zarte Klääder sin kää(n) Waffe,  
Wu uns helfen in de Welt,  
Gebt's aa viel vun dene Uffe,  
Dene 's Uffre alles gelt.

Nää(n), verhiet mit alle Mittel  
Jeden inwerzwerje Plan,  
Zieh' ne liewer rauhe Rittel  
Als so Zierboppfläädcher a(n).  
Siet se vor me dumme Gickel,  
Lieb un Frohsinn planz en ei(n):  
Rinner sin kää(n) Strunzartikel,  
Rinner sollen Rinner sei(n)!

\*